

PRU-13: PM, menteri Kabinet terus tadbir di bawah kerajaan sementara
Utusan Online
03 April, 2013
Oleh MAISARAH SHEIKH RAHIM

KUALA LUMPUR 3 April - Perdana Menteri, Datuk Seri Najib Tun Razak dan barisan menteri Kabinet akan meneruskan tugas serta menjalankan segala urusan pentadbiran negara sebagai kerajaan sementara selepas pembubaran Parlimen hari ini.

Timbalan Yang Dipertua Dewan Rakyat, Datuk Wan Junaidi Tuanku Jaafar berkata, kerajaan sementara secara amnya bertanggungjawab menjaga kebajikan, kesejahteraan dan kestabilan rakyat serta negara buat sementara waktu sehingga Dewan Undangan Negeri (DUN) atau Dewan Rakyat kembali bersidang selepas pilihan raya umum.

Walau bagaimanapun katanya, kuasa kerajaan sementara adalah terhad kerana hanya melibatkan tugas rutin harian tanpa melibatkan sebarang pembentukan dasar atau polisi baharu.

"Istilah kerajaan sementara tidak termaktub dalam Perlembagaan Persekutuan, tetapi merupakan kelaziman yang dilakukan di negara-negara yang mengamalkan konsep demokrasi berparlimen," katanya kepada *Utusan Malaysia*. - UTUSAN

Hakcipta Terpelihara © UTUSAN MELAYU (M) BERHAD

Source : http://www.utusan.com.my/utusan/Pilihan_Raya/20130403/px_67/PRU-13-PM-menteri-Kabinet-terus-tadbir-di-bawah-kerajaan-sementara